

Član 7.

Ova Odluka na snagu sa danom donošenja, a bit će objavljena u "Službenim novinama Kantona Sarajevo".

Broj 01-02-724/20  
09. marta 2020. godine  
Trnovo

Predsjedavajuća  
Općinskog vijeća Trnovo  
Emina Mehmedagić, s. r.

Na osnovu člana 24. stav (1) Zakona o unutrašnjoj trgovini ("Službene novine Federacije BiH", br. 40/10 i 79/17), člana 11. stav (2) Zakona o ugostiteljskoj djelatnosti ("Službene novine Federacije BiH" broj 32/09), člana 40. Zakona o obrtu i srodnim djelatnostima ("Službene novine Federacije BiH", br. 35/09 i 42/11) i člana 24. Statuta Općine Trnovo ("Službene novine Kantona Sarajevo", broj 12/05), Općinsko vijeće Trnovo na 22. sjednici održanoj dana 05.03. 2020. godine, donosi

**ODLUKU**

**O RADNOM VREMENU PRIVREDNIH SUBJEKATA  
NA PODRUČJU OPĆINE TRNOVO**

**DIO PRVI - OPĆE ODREDBE**

Član 1.

Odlukom o radnom vremenu privrednih subjekata na području općine Trnovo (u daljem tekstu: Odluka) utvrđuje se radno vrijeme u toku sedmice, te početak i završetak radnog vremena u toku dana u objektima koji se nalaze na području općine Trnovo, u kojima fizička i pravna lica, u skladu sa zakonom, obavljaju uslužnu djelatnost: trgovinu, ugostiteljstvo, turizam, zanatstvo, dnevna briga o djeci, djelatnosti igara na sreću (u daljem tekstu: uslužne djelatnosti).

Član 2.

- (1) Minimalno radno vrijeme je vrijeme u kojem objekti u kojima se obavljaju uslužne djelatnosti moraju biti otvoreni radi zadovoljavanja potreba građana u skladu sa zakonom.
- (2) Minimalno radno vrijeme traje najmanje 8 sati dnevno, s tim da ne može biti kraće od četiri (4) sata prije podne i četiri (4) sata poslije podne, osim ako ovom Odlukom, za pojedine uslužne djelatnosti nije drugačije određeno.
- (3) Izuzetno, u dane vikenda, državnih i vjerskih praznika, može se utvrditi i duže i kraće radno vrijeme.
- (4) Raspored, početak i završetak radnog vremena se utvrđuje u ovisnosti od toga da li se radi o zimskom ili ljetnom periodu. U ovisnosti od vremenskog perioda može se uvesti dvokratno radno vrijeme.

Član 3.

Obavijest o radnom vremenu mora biti istaknuta na vidnom mjestu na ulazu u radne prostorije, a lica koja obavljaju uslužne djelatnosti dužna su da se pridržavaju istaknutog radnog vremena, utvrđenog u skladu sa ovom Odlukom.

**DIO DRUGI - RADNO VRIJEME U OBLASTI  
USLUŽNIH DJELATNOSTI**

**POGLAVLJE I. Radno vrijeme prodavnica na malo**

Član 4.

- (1) U prodavnicama u kojima se vrši promet na malo prehrambenim proizvodima može se odrediti radno vrijeme svakim radnim danom od 06,00 do 21,00 sat u zimskom periodu (od 01.10. do 31.03.), odnosno od 06,00 do 22,00 sata u ljetnom periodu (od 01.04. do 30.09.).
- (2) Izuzetno od odredbe prethodnog stava u prodavnicama koje ne mogu obezbijediti neprekidno radno vrijeme, mogu raditi jednokratno ili dvokratno, a u skladu sa članom 2. stav (4) ove Odluke.
- (3) Odredbe iz stava (1) ovog člana ne odnose se na prodajni dio pekara koje u svom sastavu osim proizvodnog imaju i prodajni dio.

Član 5.

Prodavnice tipa dragstor moraju biti otvorene neprekidno od 00 do 24 sata.

Član 6.

- (1) U prodavnicama u kojima se vrši promet na malo prehrambenim proizvodima može se obezbijediti radno vrijeme svakim radnim danom od 08,00 do 19,00 sati.
- (2) Izuzetno od odredbe prethodnog stava u prodavnicama koje ne mogu obezbijediti neprekidno radno vrijeme, mogu raditi dvokratno, a u skladu sa članom 2. stav (4) ove Odluke.

Član 7.

U vrijeme državnih i drugih praznika koji su utvrđeni kao neradni od strane nadležnog organa samo je prvi dan neradni, a za ostale dane radno vrijeme je kao u članu 4, 5. i 6. Odluke.

Član 8.

- (1) Minimalno radno vrijeme u apotekama je 8 sati dnevno, a subotom 5 sati, stim što se rad može odvijati i dvokratno u skladu sa članom 4. stav (3) ove Odluke.
- (2) Apoteke mogu raditi i duže od minimalnog radnog vremena, kao i uvesti dežurstvo nedjeljom, ukoliko ispunjavaju zakonom predviđene uvjete.

Član 9.

Radno vrijeme benzinskih pumpi, te ugostiteljskih i trgovinskih objekata koji rade u sastavu benzinskih pumpi može trajati u vremenu od 00 do 24 sata.

**POGLAVLJE II. Radno vrijeme ugostiteljskih objekata i objekata u kojima se pružaju usluge igara na sreću**

Član 10.

- (1) U objektima u kojima se obavlja ugostiteljska djelatnost određuje se radno vrijeme svakim danom od 06,00 do 23,00 sata u zimskom računanju vremena, odnosno od 06,00 do 24,00 sata u ljetnom računanju vremena.
- (2) Ugostiteljski objekti koji imaju uslove za rad noću, u zatvorenim prostorima: noćni bar, noćni klub i disco klub (disco bar), rade od 21 do 03 sata.
- (3) Muzika u ugostiteljskim objektima mora prestati 1 sat prije prestanka radnog vremena.
- (4) Nakon isteka radnog vremena zabranjeno je zadržavanje lica u objektu osim uposlenika tog objekta.
- (5) Izuzetno od navedenog vremena iz stava (1) ovog člana, može se produžiti navedeno radno vrijeme rješenjem nadležne Službe.

Član 11.

- (1) Hoteli, moteli, pansioni, prenočišta i drugi objekti koji pružaju usluge smještaja i to odjel recepcije, mogu svoje radno vrijeme organizovati non stop tj. od 00 do 24 sata.
- (2) Restorani i gostionice i drugi objekti sličnog karaktera mogu svoje radno vrijeme organizirati u periodu od 06 do 22 sata.
- (3) Ljetne bašte mogu svoje radno vrijeme organizirati u periodu od 08 do 23 sata.
- (4) Kafane i bosanske kafane mogu svoje radno vrijeme organizirati u periodu od 08 do 22 sata.
- (5) Objekti brze hrane mogu svoje radno vrijeme organizirati u periodu od 07 do 22 sata.

Član 12.

Svi ugostiteljski objekti moraju ispunjavati posebne uslove iz Zakona o zaštiti od buke.

Član 13.

Ugostiteljski objekti mogu u zimskom periodu, tj. od 15.11. do 15.3. produžiti radno vrijeme iznad maksimalno utvrđenog radnog vremena samo po dobijenom rješenju za produženje radnog vremena od strane nadležne Službe.

Član 14.

Rješenje za produženje radnog vremena iz člana 13. ove Odluke Služba donosi na zahtjev ugostitelja, a po ispunjenju sljedećih kriterija od strane ugostitelja:

- a) prethodno pribavljeno pismeno mišljenje izdato od nadležne policijske uprave ili stanice po zahtjevu ugostitelja;

- b) provođenje svih mjera zaštite na radu i zaštite od buke;
- c) dostavljanje potvrde od strane Porezne uprave o izmirenim poreznim obavezama;
- d) dostavljanje potvrda o izmirenim obavezama ugostitelja prema Općini i prema javnim komunalnim preduzećima.

Član 15.

- (1) Produženi rad može se odobriti ugostiteljskom objektu u zimskom periodu i poslije 24,00 sata a najduže do 01 sat i to za dane petak, subota i nedjelja, najduže na period od 6 mjeseci.
- (2) Produženi rad može se izuzetno odobriti i poslije 01 sat u dane praznika.

Član 16.

- (1) Vlasniku ugostiteljskog objekta i privrednom društvu kojima je rješenjem nadležne Službe dozvoljeno produženje radnog vremena, a isti se ne pridržavaju odredaba ove Odluke ili remete javni red i mir, uskratit će se dalje produženje istog na period ne kraći od šest mjeseci.
- (2) Zahtjev za ukidanje produženja radnog vremena može podnijeti nadležna inspekcija, savjet Mjesne zajednice, grupa građana (stanara) i Policijska stanica.

Član 17.

- (1) Ugostiteljski objekti u kojima se organizuju prigodne svečanosti i zabave različitog sadržaja (party, svadbe, rođendani, maturske svečanosti, godišnjice, proslava odbrane diplomskog, postdiplomskog rada i doktorata te određene tradicionalne svečanosti kao što je proslava "Nove godine", "Dana žena", "Valentinova" i sl.), mogu raditi u radnom vremenu od 19,00 sati do 03,00 sati narednog dana, ukoliko su prethodno pribavili rješenje o produženju radnog vremena od nadležne Službe.
- (2) Ugostitelj u čijem objektu se organizuje prigodna svečanost obavezan je da zahtjev sa popratnom dokumentacijom i ovjerenim ugovorom sa naručiocem ugostiteljske usluge, dostavi najkasnije 7 dana prije proslave, uz uslov da se u toku rada ugostiteljskog objekta ne remeti javni red i mir.
- (3) Nadležna Služba će izdati jednokratno odobrenje za produženje radnog vremena iz stava (1) ovog člana, uz prethodnu saglasnost Policijske stanice, ako poslovni subjekt ili njegova poslovna jedinica, kao i odgovorno lice poslovnog subjekta, nije pravosnažno kažnjeno zbog remećenja javnog reda i mira i zbog nepoštivanja odredbi ove Odluke, u periodu od tri mjeseca unazad od podnošenja zahtjeva za produženje radnog vremena.

Član 18.

Ugostiteljski objekti izuzev hotela i motela koji pružaju usluge smještaja mogu uvesti jedan dan kao neradni u sedmici.

Član 19.

Objekti u kojima se obavljaju djelatnosti koje se odnose na igre na sreću u skladu sa Zakonom o igrama na sreću F BiH, kao i djelatnosti koje se odnose na pružanje internet usluga, a u kojima se ne služe alkoholna pića i ne pušta muzika, mogu svoje radno vrijeme organizovati najkasnije do 23,00 sata, ukoliko ispunjavaju uvjete predviđene zakonima koji regulišu ovu oblast.

### POGLAVLJE III. Radno vrijeme ustanova za dnevni boravak djece i zanatskih djelatnosti

Član 20.

Radno vrijeme ustanova za dnevni boravak djece (obdaništa, vrtići, igraonice i slično) uvodi se u trajanju od 06,30 sati do 16,30 sati, svakim radnim danom i prvom subotom u mjesecu.

Član 21.

- (1) Objekti u kojima se obavljaju zanatske djelatnosti moraju obezbijediti minimalno radno vrijeme u skladu sa članom 2. ove Odluke, a izuzetno mogu raditi i u dvije smjene

prema ispunjenju minimalno tehničkih uvjeta potrebnih za rad određenih obrtničkih zanimanja.

- (2) Radno vrijeme poslovnih objekata iz stava (1) ovog člana ne odnosi se na proizvodne pogone i radnje koje zbog karaktera procesa proizvodnje moraju poslovati mimo utvrđenih vremenskih intervala, uz obavezu poštivanja javnog reda i mira, isključivo u dijelu proizvodnog procesa.

### POGLAVLJE IV. Izuzeci od propisanog radnog vremena

Član 22.

Općinski načelnik može u slučajevima održavanja prigodnih manifestacija od značaja za Općinu, privremeno odrediti drugačije radno vrijeme poslovnih subjekata obuhvaćenih ovom Odlukom, ako ocijeni da za to postoje opravdani razlozi.

Član 23.

Općinski načelnik može za djelatnosti iz člana 1. ove Odluke odrediti drugačije radno vrijeme u dane praznika od radnog vremena propisanog Odlukom.

Član 24.

Rješenje o drugačijem radnom vremenu iz članova 22. i 23 ove Odluke, donosi Općinski načelnik putem nadležne Službe, a po zahtjevu poslovnih subjekata i ako se ocijeni da za to postoji potreba.

### DIO TREĆI - NADZOR I KAZNE NE ODREDBE

Član 25.

Nadzor nad provođenjem odredaba ove Odluke će vršiti nadležne inspekcije, te Policijska uprava, policijska stanica Trnovo, svako iz svoje nadležnosti.

Član 26.

Novčanom kaznom u iznosu od 500,00 KM do 2.000,00 KM kaznit će se za prekršaj pravno lice i vlasnik radnje, ako:

- a) odredi radno vrijeme suprotno odredbama ove Odluke,
- b) na propisan način ne istakne obavijest o radnom vremenu (član 3. Odluke),
- c) se ne pridržava istaknutog radnog vremena,
- d) koristi muziku suprotno propisanom ovom Odlukom,
- e) dozvoljava boravak gostiju nakon isteka radnog vremena.

Član 27.

Za prekršaje iz člana 26. ove Odluke, kaznit će se i odgovorno lice u pravnom licu novčanom kaznom u iznosu od 300,00 KM do 500,00 KM.

### DIO ČETVRTI- PRIJELAZNE I ZAVRŠNE ODREDBE

Član 28.

Poslovni subjekti koji posluju u objektima iz člana 1. ove Odluke, dužni su svoje radno vrijeme uskladiti s odredbama ove Odluke u roku od 30 dana od dana njenog stupanja na snagu.

Član 29.

Postupci koji su pokrenuti prije stupanja na snagu ove Odluke, okončat će se u skladu sa propisima koji su važili do dana stupanja na snagu ove Odluke.

Član 30.

Stupanjem na snagu ove Odluke prestaje da važi Odluka o radnom vremenu privrednih subjekata na području općine Trnovo ("Službene novine Kantona Sarajevo", br. 18/99, 4/00 i 3/10).

Član 31.

Ova Odluka stupa na snagu osmog dana od dana objavljivanja u "Službenim novinama Kantona Sarajevo".

Broj 01-02-723/20  
09. marta 2020. godine  
Trnovo

Predsjedavajuća  
Općinskog vijeća Trnovo  
**Emina Mehmedagić, s. r.**

Odluka objavljena na oglasnoj ploči Općine Trnovo dana 09.03.2020. godine.

Na osnovu člana 12. Odluke o priznanjima i nagradama Općine Trnovo ("Službene novine Kantona Sarajevo", broj 14/18), Općinsko vijeće Trnovo, na 22. sjednici održanoj 05.03.2020. godine, donosi

**ODLUKU  
O DODJELI POJEDINAČNE PLAKETE OPĆINE  
TRNOVO**

Član 1.

Pojedinačna Plaketa Općine Trnovo za 2020. godinu, dodjeljuje se:

Dr Amri Mehmedagić, za značajan doprinos poboljšanju uslova života građana na području Općine Trnovo.

Član 2.

Ova odluka stupa na snagu danom objave na oglasnoj ploči Općine Trnovo, a naknadno će se objaviti u "Službenim novinama Kantona Sarajevo".

Broj 01-02-699/20  
09. marta 2020. godine  
Trnovo

Predsjedavajuća  
Općinskog vijeća Trnovo  
**Emina Mehmedagić, s. r.**

Odluka objavljena na oglasnoj ploči Općine Trnovo dana 09.03.2020. godine.

Na osnovu člana 12. Odluke o priznanjima i nagradama Općine Trnovo ("Službene novine Kantona Sarajevo", broj 14/18), Općinsko vijeće Trnovo, na 22. sjednici održanoj 05.03.2020. godine, donosi

**ODLUKU  
O DODJELI POJEDINAČNE PLAKETE OPĆINE  
TRNOVO**

Član 1.

Pojedinačna Plaketa Općine Trnovo za 2020. godinu dodjeljuje se, posthumno: Muminu Bajraktareviću, za značajan doprinos u organizaciji i pripremama za odbranu i odbrani zemlje.

Član 2.

Ova odluka stupa na snagu danom objave na oglasnoj ploči Općine Trnovo, a naknadno će se objaviti u "Službenim novinama Kantona Sarajevo".

Broj 01-02-698/20  
09. marta 2020. godine  
Trnovo

Predsjedavajuća  
Općinskog vijeća Trnovo  
**Emina Mehmedagić, s. r.**

Odluka objavljena na oglasnoj ploči Općine Trnovo dana 09.03.2020. godine.

Na osnovu člana 12. Odluke o priznanjima i nagradama Općine Trnovo ("Službene novine Kantona Sarajevo", broj 14/18), Općinsko vijeće Trnovo, na 22. sjednici održanoj 05.03.2020. godine, donosi

**ODLUKU  
O DODJELI KOLEKTIVNE PLAKETE OPĆINE  
TRNOVO**

Član 1.

Kolektivna Plaketa Općine Trnovo za 2020. godinu dodjeljuje se:

JU Zavod za hitnu medicinsku pomoć Kantona Sarajevo, za značajan doprinos poboljšanju uslova života građana na području Općine Trnovo.

Član 2.

Ova odluka stupa na snagu danom objave na oglasnoj ploči Općine Trnovo, a naknadno će se objaviti u "Službenim novinama Kantona Sarajevo".

Broj 01-02-700/20  
09. marta 2020. godine  
Trnovo

Predsjedavajuća  
Općinskog vijeća Trnovo  
**Emina Mehmedagić, s. r.**

Odluka objavljena na oglasnoj ploči Općine Trnovo dana 09.03.2020. godine.

Na osnovu člana 13. stav 2. alineja 4. i 36. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09), člana 27. Zakona o privremenom korišćenju javnih površina na području Kantona Sarajevo ("Službene novine Kantona Sarajevo", br. 20/04, 32/10, 26/12, 32/12 - Ispravka i 24/15), člana 24. i 117. Statuta Općine Trnovo ("Službene novine Kantona Sarajevo", broj 12/08), Općinsko vijeće Trnovo, na 22. sjednici, održanoj dana 05.03.2020. godine, donosi

**ODLUKU  
O IZMJENAMA I DOPUNAMA ODLUKE O  
UTVRĐIVANJU VISINE NAKNADE, NAČINU  
NAPLATE I MJERAMA ZA SIGURNU I EFIKASNU  
NAPLATU ZA PRIVREMENO KORIŠTENJE JAVNIH  
POVRŠINA NA PODRUČJU OPĆINE TRNOVO**

Član 1.

U Odluci o utvrđivanju visine naknade, načinu naplate i mjerama za sigurnu i efikasnu naplatu za privremeno korištenje javnih površina na području općine Trnovo (Službene novine Kantona Sarajevo", broj 20/05) u članu 6. stav 1. tačka 5.I umjesto broja "0,50" treba da stoji broj "1,00", tačka 5.II umjesto broja "0,25" treba da stoji broj "0,50" i tačka 5.III umjesto broja "0,10" treba da stoji broj "0,25".

Član 2.

U članu 11. stav 1. na kraju teksta briše se "tačka" i dodaje tekst "i obračunatim PDV-om".

Član 3.

Ova Odluka stupa na snagu danom objave na oglasnoj tabli Općine Trnovo, a naknadno će se objaviti u "Službenim novinama Kantona Sarajevo".

Broj 01-02-720/20  
09. marta 2020. godine  
Trnovo

Predsjedavajuća  
Općinskog vijeća Trnovo  
**Emina Mehmedagić, s. r.**

Odluka objavljena na oglasnoj ploči Općine Trnovo dana 09.03.2020. godine.

Na osnovu člana 68. stav 2. Zakona o građevinskom zemljištu Federacije Bosne i Hercegovine ("Službene novine Federacije BiH", br. 25/03 i 16/04), člana 13. stav 2. alineja 4. i 36. Zakona o principima lokalne samouprave u Federaciji Bosne i Hercegovine ("Službene novine Federacije BiH", br. 49/06 i 51/09), člana 23. Odluke o građevinskom zemljištu ("Službene novine Kantona Sarajevo", br. 11/05, 28/05, 8/12 i 34/14) i člana 24. i 117. Statuta općine Trnovo ("Službene novine Kantona Sarajevo", broj 12/08), Općinsko vijeće Trnovo, na 22. sjednici, održanoj dana 05.03.2020. godine, donosi

**ODLUKU  
O VISINI NAKNADE ZA POGODNOST  
GRAĐEVINSKOG ZEMLJIŠTA-RENTE NA PODRUČJU  
OPĆINE TRNOVO U 2020. GODINI**

Član 1.

Visina naknade za pogodnost građevinskog zemljišta-rente po 1 m<sup>2</sup> korisne površine građevine koja će se graditi na građevinskom zemljištu, utvrđuje se u procentu od prosječne konačne građevinske cijene koja iznosi 1.200,00 KM, i to kao fiksni procenat rente:

- četvrtoj zoni 3% što iznosi 36,00 KM/1 m<sup>2</sup>,
- petoj zoni 2% što iznosi 24,00 KM/1 m<sup>2</sup> i
- šestoj zoni 1% što iznosi 12,00 km/1 m<sup>2</sup>.

Član 2.

Visina naknade za pogodnost građevinskog zemljišta-rente kod izgradnje, dogradnje, nadogradnje građevina i vršenja drugih zahvata u prostoru, utvrđuje se rješenjem prije izdavanja odobrenja za građenje.